

7. Transcriptie bij afbeelding Middelnederlandse boerden
(kleurkatern XIII, nr. 1, t.o. pag. 408, nr. 1)

(Vanaf rode regels rechterkolom:)

DJts van heilen van beersele

Die de iij. jaghede te spele

GHi hebt gehoert te menegher vre

Vertrecken scone auonture

Van messeliken dinghen

Beide vedelen *ende* singhen

Ende somtijt spelen metter herpen

Maer alsoe vremde alse tantwerpen

Hier voermaels ene ghesciede

Sone hebben alle die liede

Niet gehoert wanic wale

Alsoe ic v in dietscher tale

Vertellen sal dore ene bede

Die .i. goet geselle ane mi dede

Dies nu niet en woude *verlaten*

Tantwerpen in der coperstraten

Woende alse ic mi *versinne*

Ene harde goed ghesellinne

Ende hiet van bersele heile

Die hare dicke maecte veile

Goeden gesellen dien sijs onste

Ende dien si toende hare conste

Eens geuielt hoerdic *vertellen*

Dat ane hare quamen .iij. gesellen

Op *enen* dach alsic versta

Deen vore *ende* dander na